

# 150 sukarelawan jayakan Program JMK

UB 21.9.18 B3

KOTABELUD: Seramai 150 sukarelawan terdiri daripada mahasiswa Universiti Malaysia Sabah (UMS) di peringkat Ijazah, Ijazah Sarjana dan juga Ijazah Doktor Falsafah serta mahasiswa dari Institut Pendidikan Guru (IPG) Kampus Kent telah menjayakan Program Jom Masuk Kampung (JMK).

Ita merupakan sebuah program kemasyarakatan yang diadakan secara bersiri setiap tahun oleh Yayasan Dana Kebajikan Muslim Malaysia (YDKMM) Cawangan Sabah.

JMK dijalankan dengan kerjasama YDKMM Sabah dan Mentoring PISMP Sains, IPG Kampus Kent.

Siri kali ini telah diadakan di Kampung Takulung, Lasau Podi di sini pada Ahad.

Program itu merupakan inisiatif YDKMM Sabah untuk membantu golongan muallaf di pedalaman terutamanya dari sudut pendidikan agama fardhu ain dan fardhu kifayah.

Pada masa yang sama, program itu juga menjadi satu platform YDKMM Sabah untuk mengajak masyarakat agar turut menyokong dan menyalurkan sumbangan kepada golongan muallaf di negeri ini.

Program juga bertujuan mempersiapkan golongan mahasiswa yang terlibat



## AKTIVITI lukisan mural bertemakan Malaysiaku Negaraku.

dengan kemahiran insaniah seperti kualiti kepimpinan, kesukarelawanan, memupuk jiwa untuk sedia berkorban dan membantu mereka yang memerlukan tanpa melihat taraf pendidikan sebagai jurang antara mahasiswa dan masyarakat.

Menarik kali ini dalam program JMK, slot Klinik Al Fatimah dan Smart Solat telah diadakan yang disampaikan oleh Ustaz Mohd Syahir Alias dari YDKMM Sabah dan Ketua Jabatan Pendidikan Islam dan Moral (Japim)

dari Institut Pendidikan Guru Kampus Kent Ustaz Kamarulzaman Ideres.

Slot itu adalah untuk memantapkan ilmu fardhu ain golongan muallaf yang terlibat, terutamanya cara dan bacaan dalam solat.

Selain itu, para sukarelawan juga berpeluang menziarahi rumah penduduk muallaf di Kampung Takulung dan memberikan sumbangan wakaf terjemahan al-Quran. Setelah sesi ziarah, slot diteruskan dengan agihan sumbangan baju kepada

semua warga kampung.

Aktiviti lain yang diadakan adalah sukaneka, lukisan mural bertemakan Malaysiaku NegaraKu dan gubahan kraftangan berasaskan barangan kitar semula oleh sukarelawan bersama anak-anak Kg Takulung.

"Alhamdulillah, syabas dan tahniah kepada semua sukarelawan UMS dan IPG Kampus Kent yang telah terlibat dalam menjayakan program JMK kali ini.

"Tahniah juga kepada pelajar baharu UMS yang sangat bersemangat untuk



SUKARELAWAN Youth of Happiness UMS.



## AKTIVITI ziarah rumah ke rumah.

melibatkan diri dalam aktiviti kesukarelawanan walaupun

baru sahaja mendaftar di UMS.

"Misi YDKMM adalah untuk membentuk jati diri anak-anak muda agar sentiasa komited dan bersedia untuk membantu masyarakat yang memerlukan," kata Pengerusi YDKMM Sabah Sittilin Salleh ketika merasmikan penutupan Program JMK di Dewan Kampung Takulung.

Majlis penutupan itu turut dihadiri Timbalan Pengerusi YDKMM Ghafur Rahim Mustakim, Ketua Kampung Takulung, Lasau Podi Hj Tiai Jampus, Pengarah Projek JMK YDKMM Sabah Mohd Syahir Alias serta Pengarah Program JMK dari IPG Kampus Kent Nizam Matusin.